



**GRIJANJE**

Javno preduzeće "Grijanje" d.o.o. Zenica, Bilmišće br.107, 72 000 Zenica  
telefon +387 32 423 097, fax +387 32 423 099  
www.grijanjezenica.ba

Na osnovu člana 70. i člana 111. tačka 13) Zakona o javnim nabavkama („Službeni glasnik BiH“ broj 39/14 i 59/22), člana 37. i 38. Statuta Javnog preduzeća „Grijanje“ d.o.o. Zenica i Rješenja Ureda za razmatranje žalbi Bosne i Hercegovine, Filijala/ Podružnica Mostar, broj: JN2-03-07-1-2710-7/22 od 28.10.2022. godine, Uprava Javnog preduzeća „Grijanje“ d.o.o. Zenica, donosi:

## **O D L U K U** **o izboru najpovoljnijeg ponuđača**

### **Član 1.**

**Privredno društvo „GRANT THORNTON“ d.o.o. Banja Luka**, ul. Vase Pelagića br. 2/IV, 78000 Banja Luka, bira se za najpovoljnijeg ponuđača u postupku nabavke **usluga – Revizija finansijskih izvještaja za 2022., 2023. i 2024. godinu**, putem konkurentskog zahtjeva za dostavljanje ponuda, Obavještenje o nabavci broj: 1091-7-2-457-3-47/22 od 10.08.2022. godine.

### **Član 2.**

Obavezuje se odabrani ponuđač iz člana 1. ove Odluke da dostavi dokaze o ispunjavanju uslova lične sposobnosti iz tačke 3.1.1. Tenderske dokumentacije, u roku od **5 (pet) dana** od dana prijema ove Odluke.

Nakon ispunjenja uslova iz stava 1. ovog člana, odabranom ponuđaču bit će ponuđen Ugovor o reviziji finansijskih izvještaja za 2022., 2023. i 2024. godinu.

### **Član 3.**

Ova Odluka stupa na snagu danom donošenja, a ista će se objaviti na web stranici Javnog preduzeća „Grijanje“ d.o.o. Zenica.

## **O b r a z l o ž e n j e**

Na osnovu Plana nabavki Javnog preduzeća „Grijanje“ d.o.o. Zenica za 2022. godinu broj: 15231/21 od 18.11.2022. godine i Odluke o pokretanju postupka javne nabavke Uprave Javnog preduzeća „Grijanje“ d.o.o. Zenica broj: 10208/22 od 21.07.2022. godine sačinjena je tenderska dokumentacija za nabavku usluge – Revizija finansijskih izvještaja za 2022., 2023. i 2024. godinu.

Dana 10.08.2022. godine Javno preduzeće "Grijanje" d.o.o. Zenica objavilo je, na portalu javnih nabavki, obavještenje o nabavci usluga – Revizija finansijskih izvještaja za 2022., 2023. i 2024. godinu putem konkurentskog zahtjeva za dostavu ponuda, obavještenje o nabavci broj: 1091-7-2-457-3-47/22. Procijenjena vrijednost nabavke je 21.000,00 KM. Rok za prijem ponuda bio je 31.08.2022. godine do 10:30 sati

Dana 31.08.2022. godine, u 11:00 sati, Komisija za nabavke izvršila je otvaranje blagovremeno dostavljenih ponuda te konstatovala da su blagovremeno dostavljene 4 (četiri) ponude ponuđača, i to:

1. ADDRESS d.o.o. Sarajevo, ul. Marka Marulića br. 2C, 71000 Sarajevo,
2. „GRANT THORNTON“ d.o.o. Banja Luka, ul. Vase Pelagića br. 2/IV, 78000 Banja Luka,
3. „ORECONS&AUDIT“ d.o.o. Zenica, ul. Muftije Šemsekadića br. 14, 72000 Zenica i
4. ETIC d.o.o. Zenica, ul. Londža b.b., PC ROMA II/2, 72000 Zenica.

Shodno odredbama zakona i općim aktima ugovornog organa kriterij za vrednovanje ponuda bio je **ekonomski najpovoljnija ponuda**.

Ponuđači su dostavili ponude sa podkriterijima koji se vrednuju unutar kriterija ekonomski najpovoljnije ponude, i to:

1. ADRESS d.o.o. Sarajevo sa ponudom: I. Cijena: 21.000,00 KM, II. Rok izvršenja usluge-revizijske radnje: 9 dana i III. Rok izvršenja usluge-predrevizijske radnje: 616 dana,
2. „GRANT THORNTON“ d.o.o. Banja Luka sa ponudom: I. Cijena: 21.000,00 KM, II. Rok izvršenja usluge-revizijske radnje: 9 dana i III. Rok izvršenja usluge-predrevizijske radnje: 110 dana,
3. „ORECONS&AUDIT“ d.o.o. Zenica sa ponudom: I. Cijena: 21000,00 KM, II. Rok izvršenja usluge-revizijske radnje: 28 dana i III. Rok izvršenja usluge-predrevizijske radnje: 336 dana,
4. ETIC d.o.o. Zenica, sa ponudom, I. Cijena: 21.000,00 KM, II. Rok izvršenja usluge-revizijske radnje: 28 dana i III. Rok izvršenja usluge-predrevizijske radnje: 619 dana.

Pregledom i analizom dostavljenih ponuda, utvrđeno je sljedeće:

1. Ponuda ponuđača ADRESS d.o.o. Sarajevo **nije prihvatljiva.**

Ponuđač ADRESS d.o.o Sarajevo je u Obrascu za cijenu ponude, za podkriterij rok izvršenja usluge - na revizijskim radnjama, ponudio 9 (devet) dana što je u skladu sa raspoloživim brojem dana koji je i tražen u tački II Obrasca za cijenu ponude, a koji glasi „Izjavljujemo da rok za izvršenje usluge iznosi \_\_\_\_\_ (slovima: \_\_\_\_\_) dana u periodu od 02.03. do 14.03. za svaku godinu za koju se vrši revizija finansijskih izvještaja“.

Međutim, imenovani je u Obrascu za cijenu ponude, za podkriterij rok izvršenja usluge - na predrevizijskim radnjama u sjedištu ugovornog organa, ponudio 616 (šeststotinašesnaest) dana, što je znatno više od raspoloživog broja dana koji je tražen u tački III Obrasca za cijenu ponude i koji glasi „Izjavljujemo da rok izvršenja usluge iznosi \_\_\_\_\_ (slovima: \_\_\_\_\_) dana u sjedištu ugovornog organa, počev od dana obostrano potpisanog Ugovora o reviziji finansijskih izvještaja za svaku godinu Javnog preduzeća „Grijanje“ d.o.o. Zenica“.

2. Ponuda ponuđača „GRANT THORNTON“ d.o.o. Banja Luka **nije prihvatljiva.**

Ponuda ponuđača „Grant Thornton“ d.o.o. Banja Luka je formalno-pravno neispravna iz razloga što nisu upisani datumi na za to predviđenom mjestu, u obrascima tenderske dokumentacije, kako slijedi:

- Obrazac za ponudu – Prilog I,
- Obrazac za cijenu ponude – Prilog II,
- Povjerljive informacije – Prilog III,
- Dinamički plan revizije – Prilog V.

3. Ponuda ponuđača „ORECONS&AUDIT“ **nije prihvatljiva.**

Ponuđač „ORECONS&AUDIT“ d.o.o. Zenica je u Obrascu za cijenu ponude, za podkriterij rok izvršenja usluge - na revizijskim radnjama, ponudio 28 (dvadesetosam) dana što je znatno više od raspoloživog broja dana koji je tražen u tački II Obrasca za cijenu ponude i koji glasi: „Izjavljujemo da rok izvršenja usluge iznosi \_\_\_\_\_ (slovima: \_\_\_\_\_) dana u periodu od 02.03. do 14.03. za svaku godinu za koju se vrši revizija finansijskih izvještaja“.

Ponuđač „ORECONS&AUDIT“ d.o.o. Zenica je u Obrascu za cijenu ponude, za podkriterij - rok izvršenja usluge na predrevizijskim radnjama u sjedištu ugovornog organa ponudio 336 (tristotinetridesetšest) dana, što je znatno više od raspoloživog broja dana koji je tražen u tački III Obrasca za cijenu ponude i koji glasi: „Izjavljujemo da rok izvršenja usluge iznosi \_\_\_\_\_ (slovima: \_\_\_\_\_) dana u sjedištu ugovornog organa, počev od dana obostrano potpisanog Ugovora o reviziji finansijskih izvještaja za svaku godinu Javnog preduzeća „Grijanje“ d.o.o. Zenica“.

4. Ponuda ponuđača ETIC d.o.o. Zenica **nije prihvatljiva.**

Ponudač ETIC d.o.o. Zenica je u Obrascu za cijenu ponude, za podkriterij rok izvršenja usluge - na revizijskim radnjama ponudio 28 (dvadesetosam) dana, što je znatno više od raspoloživog broja dana koji je tražen u tački II Obrasca za cijenu ponude i koji glasi: „Izjavljujemo da rok izvršenja usluge iznosi \_\_\_\_\_ (slovima: \_\_\_\_\_) dana u periodu od 02.03. do 14.03. za svaku godinu za koju se vrši revizija finansijskih izvještaja“.

Ponudač „ETIC“ d.o.o. Zenica je u Obrascu za cijenu ponude, za podkriterij rok izvršenja usluge - na predrevizijskim radnjama u sjedištu ugovornog organa ponudio 619 (šestodevetnaest) dana, što je znatno više od raspoloživog broja dana koji je tražen u tački III Obrasca za cijenu ponude i koji glasi: „Izjavljujemo da rok izvršenja usluge iznosi \_\_\_\_\_ (slovima: \_\_\_\_\_) dana u sjedištu ugovornog organa, počev od dana obostrano potpisanog Ugovora o reviziji finansijskih izvještaja za svaku godinu Javnog preduzeća „Grijanje“ d.o.o. Zenica“.

Komisija za nabavke dala je preporuku Ugovornom organu da, u smislu člana 69. stav (2) tačka d) Zakona o javnim nabavkama (Službeni glasnik BiH br. 39/14), donese Odluku o poništenju postupka nabavke usluga – Revizija finansijskih izvještaja za 2022., 2023. i 2024. godinu.

Ugovorni organ je, na preporuku Komisije za nabavke, donio Odluku o poništenju postupka javne nabavke broj 12973/22 od 21.09.2022. godine.

Na Odluku o poništenju postupka javne nabavke broj 12973/22 od 21.09.2022. godine žalbe su uložili ponuđači ADDRESS d.o.o Sarajevo dana 23.09.2022. godine, „ETIC“ d.o.o. Zenica dana 23.09.2022. godine i „GRANT THORNTON“ d.o.o. Banja Luka dana 26.09.2022. godine.

Ugovorni organ je utvrdio da su sve navedene žalbe blagovremene, dopuštene i izjavljene od ovlaštenih lica, ali da su iste neosnovane, te je Uredu za razmatranje žalbi BiH, Filijala Ureda u Mostaru, dostavio Izjašnjenja po žalbama i to: po žalbi ponuđača ADDRESS d.o.o. Sarajevo broj 3001-Z-E-13541/22 od 28.09.2022. godine, po žalbi ponuđača „ETIC“ d.o.o. Zenica broj 3001-Z-E-13542/22 od 28.09.2022. godine i po žalbi ponuđača „Grant Thornton“ broj 3001-Z-E-13699/22 od 30.09.2022. godine.

Ugovorni organ je donio Odluku o odgađanju postupka javne nabavke broj 13700/22 od 30.09.2022. godine, kojom je postupak javne nabavke putem konkurentskog zahtjeva za dostavu ponuda za nabavku usluge – Revizija finansijskih izvještaja za 2022., 2023. i 2024. godinu odgođen do okončanja postupka pred Uredom za razmatranje žalbi BiH, po žalbama navedenih ponuđača.

Ured za razmatranje žalbi BiH-Filijala/Podružnica Mostar, donio je Rješenje broj JN2-03-07-1-2702-7/22 od 28.10.2022. godine i Rješenje broj JN2-03-07-1-2703-7/22 od 28.10.2022. godine kojim su odbijene žalbe ponuđača ADDRESS d.o.o. Sarajevo i „ETIC“ d.o.o. Zenica, izjavljene na Odluku o poništenju postupka javne nabavke broj 12973/22 od 21.09.2022. godine, kao neosnovane.

Ured za razmatranje žalbi BiH-Filijala/Podružnica Mostar, donio je Rješenje broj JN2-03-07-1-2710-7/22 od 28.10.2022. godine, kojim se usvaja žalba ponuđača „GRANT THORNTON“ d.o.o. Banja Luka izjavljena na Odluku o poništenju postupka javne nabavke broj 12973/22 od 21.09.2022. godine i poništava Odluku o poništenju postupka javne nabavke broj 12973/22 od 21.09.2022. godine, te se predmet vraća ugovornom organu na ponovni postupak.

U svom Rješenju Ured za razmatranje žalbi BiH je na strani 7. naveo da neupisivanje datuma u Prilozima I, II, III i V ne može biti razlog za odbacivanje ponude. Takođe je naveo da je postupak javne nabavke strogo formalan postupak, ali da ponudu što se tiče forme neprihvatljivom čini ako je propušteno da se dostavi određeni akt ili dokaz tražen tenderskom dokumentacijom ali ne i propust unutar dokumenta, ako se iz sadržaja cjelokupne ponude jasno i nedvosmisleno može utvrditi da propusti unutar dokumenta ne utiču na valjanost ponude, a u konkretnoj situaciji neupisivanje datuma u Prilozima I, II, III i V po mišljenju Ureda za razmatranje žalbi BiH, ne utiče na valjanost ponude, s obzirom na činjenicu da se navedeni dokumenti odnose na predmetni postupak javne nabavke, da su u navedenim dokumentima upisani svi ostali traženi podaci, te da su isti potpisani od strane lica ovlaštenog za zastupanje i da su ovjereni pečatom ponuđača. Imajući u vidu navedeno, ovaj organ poništava osporenu odluku ugovornog organa i predmet vraća na

ponovni postupak i odlučivanje u kojem će ugovorni organ postupiti u skladu sa uputstvima ovog organa i donijeti novu odluku u skladu sa odredbama ZJN.

Postupajući po Rješenju ureda za razmatranje žalbi BiH, - Filijala/Podružnica Mostar broj JN2-03-07-1-2710-7/22 od 28.10.2022. godine ugovorni organ je konstatovao da je ponuda ponuđača „GRANT THORNTON“ d.o.o. Banja Luka **prihvatljiva**, sa podkriterijima koji se vrednuju unutar kriterija ekonomski najpovoljnije ponude i to: I. Cijena: 21.000,00 KM, II. Rok izvršenja usluge-revizijske radnje: 9 dana, III. Rok izvršenja usluge-predrevizijske radnje: 110 dana.

Članom 111. tačka 13) Zakona o javnim nabavkama („Službeni glasnik BiH“ broj 39/14 i 59/22) propisano je da su rješenja i zaključci URŽ-a konačni i izvršni.

Shodno naprijed navedenom, donesena je odluka kao u dispozitivu.

**Pravna pouka:** Protiv ove Odluke može se izjaviti žalba ugovornom organu u roku od **5 (pet)** dana od dana prijema iste.

Broj: 16323 /22

Zenica, 07.11.2022.godine



Direktor <sup>Udj</sup>  
Drino Vahdet

Dostaviti:

- 1 x Ponuđači – putem mail adrese
- 1 x Uprava preduzeća
- 1 x Arhiva javnih nabavki